

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Komisija za izbor i imenovanja

Broj: 02/6-02-1309/24
Sarajevo, 12.06.2024. godine

DOMU NARODA
PARLAMENTA FEDERACIJE
BOSNE I HERCEGOVINE

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 12-06-2024			
Org. jed.	Broj	Priloga	Vrijednost

Komisija za izbor i imenovanja Doma naroda Parlamenta Federacije Bosne i Hercegovine, na 4. sjednici, održanoj 12. juna 2024. godine, razmatrala je:

1. Prijedlog odluke o izboru članova u Zajedničku komisiju za usaglašavanje različito usvojenih tekstova zakona u oba doma Parlamenta Federacije Bosne i Hercegovine,
2. Prijedlog odluke o izboru članova u Parlamentarnu komisiju odgovornu za reviziju,
3. Prijedlog odluke o imenovanju zamjenika direktora Agencije za bankarstvo Federacije Bosne i Hercegovine,
4. Prijedlog odluke o imenovanju članova Regulatorne komisije za energiju u Federaciji Bosne i Hercegovine,
5. Prijedlog odluke o izmjeni Odluke o izboru članova Vijeća nacionalnih manjina Federacije Bosne i Hercegovine.

Na osnovu člana 51., a u vezi sa članom 60. Poslovnika o radu Doma naroda Parlamenta Federacije Bosne i Hercegovine, Komisija za izbor i imenovanja podnosi Domu naroda sljedeći

IZVJEŠTAJ

1. Prijedlog odluke o izboru članova u Zajedničku komisiju za usaglašavanje različito usvojenih tekstova zakona u oba doma Parlamenta Federacije Bosne i Hercegovine

Članom IV Odluke o formiranju Zajedničke komisije za usaglašavanje različito usvojenih tekstova zakona u domovima Parlamenta Federacije Bosne i Hercegovine ("Službene novine Federacije BiH", broj 35/12) određeno je da Zajednička komisija broji **deset članova, i to pet poslanika koje bira Predstavnički dom i pet delegata koje bira Dom naroda.**

Zajedničku komisiju za usaglašavanje različito usvojenih tekstova zakona u domovima Parlamenta Federacije Bosne i Hercegovine vode predsjednik i zamjenik predsjednika, koji se na položaju predsjednika rotiraju svakih šest mjeseci.

Dom naroda je na 7. sjednici održanoj 25.03.2024. godine donio Odluku o izboru članova iz Doma naroda u Zajedničku komisiju za usaglašavanje različito usvojenih tekstova zakona u oba doma Parlamenta Federacije Bosne i Hercegovine kojom su iz Doma naroda izabrani Vildana Bešlija, za predsjednicu Komisije, Haris Zahiragić, Ivana Zrimšek Šaravanja, Dragan Konta i Žarko Vujović.

Predstavnički dom je na 11. sjednici održanoj 28. i 29.5.2024. godine donio Odluku o izboru članova u Zajedničku komisiju za usaglašavanje različito usvojenih tekstova zakona u oba doma Parlamenta Federacije Bosne i Hercegovine kojom su potvrđeni članovi iz Doma naroda te izabrani članovi iz Predstavničkog doma i to: Dario Knezović, za **zamjenika predsjednika**, Alma Beganović, Damir Nikšić, Dennis Gratz i Stipe Tokić.

Izbor članova Zajedničke komisije smatrat će se, u skladu sa poslovničkim odredbama, obavljenim, kad oba doma Parlamenta Federacije BiH donesu odluku o izboru članova radnog tijela u istovjetnom sastavu.

U skladu s naprijed navedenim Komisija predlaže Domu naroda da potvrdi članove Zajedničke komisije iz Predstavničkog doma i donese Odluku o izboru članova u Zajedničku komisiju za usaglašavanje različito usvojenih tekstova zakona u oba doma Parlamenta Federacije Bosne i Hercegovine u tekstu kako ju je usvojio Predstavnički dom.

2. Prijedlog odluke o izboru članova u Parlamentarnu komisiju odgovornu za reviziju

Zakonom o reviziji institucija u Federaciji Bosne i Hercegovine („Službene novine Federacije BiH“, broj 22/06) propisano je postojanje Parlamentarne komisije odgovorne za reviziju, koja je nadležna za finansije i budžet u oba doma Parlamenta Federacije BiH.

Odlukom o formiranju Parlamentarne komisije odgovorne za reviziju („Službene novine Federacije BiH“, br.53/07 i 34/10), određeni su djelokrug, zadaci i ovlasti, te broj članova ovog zajedničkoga radnog tijela. Ovo zajedničko radno tijelo ima 14 članova, predsjednika i zamjenika predsjednika. Sedam članova je iz Predstavničkog doma a sedam članova je iz Doma naroda. Predsjednik i zamjenik predsjednika Parlamentarne komisije odgovorne za reviziju ne mogu biti iz istog konstitutivnog naroda i ne mogu biti članovi istog doma Parlamenta Federacije Bosne i Hercegovine, te se u skladu sa Poslovnikom o radu Parlamentarne komisije odgovorne za reviziju na ovoj poziciji rotiraju svakih šest mjeseci.

Dom naroda je na 7. sjednici održanoj 25.03.2024. godine donio Odluku o izboru članova iz Doma naroda u Parlamentarnu komisiju odgovornu za reviziju kojom su iz Doma naroda izabrani Damir Džeba, za predsjednika Komisije, Dževad Hadžić, Slađan Ilić, Tomislav Martinović, Tomislav Mandić, Vesna Saradžić i Muamer Zukić.

Predstavnički dom je na 11. sjednici održanoj 28. i 29.5.2024. godine donio Odluku o izboru članova u Parlamentarnu komisiju odgovornu za reviziju kojom su potvrđeni članovi iz Doma naroda te izabrani članovi iz Predstavničkog doma i to: Elvir Karajbić, za **zamjenika predsjednika**, Aner Žuljević, Mirjana Marinković-Lepić, Mirsad Zaimović, Petar Galić, Marijan Marjanović i Admir Čavalić.

Izbor članova Parlamentarne komisije odgovorne za reviziju smatrat će se, u skladu sa poslovničkim odredbama, obavljenim, kad oba doma Parlamenta Federacije BiH donesu odluku o izboru članova radnog tijela u istovjetnom sastavu.

U skladu s naprijed navedenim Komisija predlaže Domu naroda da potvrdi članove Parlamentarne komisije odgovorne za reviziju iz Predstavničkog doma i donese Odluku o izboru članova u Parlamentarnu komisiju odgovornu za reviziju u tekstu kako ju je usvojio Predstavnički dom.

3. Prijedlog odluke o imenovanju zamjenika direktora Agencije za bankarstvo Federacije Bosne i Hercegovine

Članom 22. stav (2) Zakona o Agenciji za bankarstvo Federacije Bosne i Hercegovine („Službene novine Federacije BiH“, broj 75/17) propisano je da direktora i zamjenika direktora Agencije za bankarstvo Federacije BiH, po prethodno provedenom postupku javnog konkursa u skladu sa zakonom, na prijedlog Vlade Federacije Bosne i Hercegovine, imenuje Parlament Federacije BiH na mandatni period od četiri godine, uz mogućnost imenovanja na dva uzastopna mandata. Kada su u pitanju razrješenja sa ovih dužnosti, članom 29. stav (1) je propisano ako član

Upravnog odbora, direktor ili zamjenik direktora bude razriješen dužnosti prije isteka mandata, **novi član Upravnog odbora, direktor ili zamjenik direktora bira se, na osnovu provedenog postupka javnog konkursa, na period do isteka mandata člana Upravnog odbora, direktora ili zamjenika direktora koji je razrješen.**

Parlament Federacije BiH je donio Odluku o imenovanju zamjenika direktora Agencije za bankarstvo Federacije BiH, kojom se za zamjenika direktora imenuje Dubravka Bošnjak, na period od četiri godine („Službene novine Federacije BiH, broj 62/22).

Vlada Federacije BiH je informisala Parlament Federacije BiH da je raspisala Javni konkurs za izbor i nominiranje za imenovanje zamjenika direktora Agencije za bankarstvo Federacije Bosne i Hercegovine, sprovedla proceduru te utvrdila prijedlog za imenovanje Jelke Milićević za zamjenika direktora Agencije za bankarstvo Federacije BiH, na period do isteka mandata zamjenika direktora koji je razrješen.

Predstavnički dom je na 11. sjednici održanoj 28. i 29.5.2024. godine donio Odluku o imenovanju zamjenika direktora Agencije za bankarstvo Federacije Bosne i Hercegovine kojom je Jelka Milićević imenovana za zamjenika direktora.

Nakon provedene rasprave Komisija je odlučila da predloži Domu naroda da donese Odluku o imenovanju zamjenika direktora Agencije za bankarstvo Federacije Bosne i Hercegovine kojom se Jelka Milićević imenuje za zamjenika direktora.

4. Prijedlog odluke o imenovanju članova Regulatorne komisije za energiju u Federaciji Bosne i Hercegovine

Vlada Federacije Bosne i Hercegovine je na osnovu Zakona o energiji i regulaciji energetske djelatnosti u Federaciji Bosne i Hercegovine („Službene novine Federacije BiH“, broj 60/23) provela proceduru izbora tri člana Regulatorne komisije za energiju i dostavila u parlamentarnu proceduru Rješenje o imenovanju kandidata za članove Regulatorne komisije za energiju u Federaciji Bosne i Hercegovine. Članom 26. Zakona je propisano da Parlament Federacije BiH imenuje članove Regulatorne komisije, na mandatni period od pet godina.

Za članove su predloženi:

- 1. Samir Hadžihuseinović**, iz reda bošnjačkog naroda
- 2. Sanela Pokrajčić**, iz reda hrvatskog naroda i
- 3. Vesna Marić**, iz reda srpskog naroda.

Predstavnički dom je na 11. sjednici održanoj 28. i 29.5.2024. godine donio Odluku o imenovanju članova Regulatorne komisije za energiju u Federaciji Bosne i Hercegovine.

Komisija predlaže Domu naroda da donese Odluku o imenovanju članova Regulatorne komisije za energiju u Federaciji Bosne i Hercegovine kojom se za članove imenuju:

- 1. Samir Hadžihuseinović**, iz reda bošnjačkog naroda
- 2. Sanela Pokrajčić**, iz reda hrvatskog naroda i
- 3. Vesna Marić**, iz reda srpskog naroda.

5. Prijedlog odluke o izmjeni Odluke o izboru članova Vijeća nacionalnih manjina Federacije Bosne i Hercegovine

Predsjedavajuća Vijeća nacionalnih manjina je pokrenula proceduru zamjene četiri člana Vijeća nacionalnih manjina, za koju je u skladu sa članom 5. stav 2. Statuta Vijeća nacionalnih manjina Federacije BiH nadležan Parlament Federacije BiH, odnosno komisije za zaštitu ljudskih prava i sloboda oba doma Parlamenta Federacije BiH.

Članovi Vijeća nacionalnih manjina Federacije BiH: Violeta Džolan (Rumunka), Dejan Piotrovski (Poljak), Velibor Kuvač (Nijemac) i Davor Ebner (Austrijanac) podnijeli su neopozive, kolektivne ostavke na svoje članstvo u ovome Vijeću. S tim u vezi, nadležna udruženja su provela svoje interne procedure te na osnovu dostavljenih podataka o zamjenskim članovima, Vijeće kao krovna organizacija je sačinilo Prijedlog odluke o izmjeni Odluke o imenovanju članova Vijeća nacionalnih manjina Federacije BiH te istu dostavilo komisijama za zaštitu ljudskih prava i sloboda oba doma Parlamenta Federacije BiH na daljnji postupak. Prijedlogom Odluke predloženi su novi članovi: Ivan Džolan-Rumun, Karolina Atagić-Poljakinja; Željka Stantić-Njemica i Sanja Levicki-Austrijanka.

Komisija za ljudska prava i slobode Doma naroda je istu uputila, nakon razmatranja Komisiji za izbor i imenovanja Doma naroda na daljnje postupanje.

Predstavnički dom je na 11. sjednici održanoj 28. i 29.5.2024. godine donio Odluku o izmjenama Odluke o imenovanju članova Vijeća nacionalnih manjina Federacije Bosne i Hercegovine

Komisija za izbor i imenovanje je podržala **Prijedlog odluke o izmjenama Odluke o imenovanju članova Vijeća nacionalnih manjina Federacije Bosne i Hercegovine, te predlaže Domu naroda da ju donese.**

Za izvjestioca na sjednici Doma naroda određen je Milan Ševo, predsjednik Komisije.

Prilozi:

- Prijedlog Odluke o izboru članova u Zajedničku komisiju za usaglašavanje različito usvojenih tekstova zakona
- Prijedlog Odluke o izboru članova u Parlamentarnu komisiju odgovornu za reviziju
- Prijedlog odluke o imenovanju zamjenika direktora Agencije za bankarstvo Federacije Bosne i Hercegovine
- Prijedlog odluke o imenovanju članova Regulatorne komisije za energiju u Federaciji Bosne i Hercegovine
- Prijedlog odluke o izmjeni Odluke o izboru članova Vijeća nacionalnih manjina Federacije Bosne i Hercegovine

PREDSJEDNIK KOMISIJE

Milan Ševo

Na osnovu čl. 54., 81., 82. i 83. Poslovnika Predstavničkog doma Parlamenta Federacije Bosne i Hercegovine, člana 52. Poslovnika o radu Doma naroda Parlamenta Federacije Bosne i Hercegovine i Odluke o formiranju Zajedničke komisije za usaglašavanje različito usvojenih tekstova zakona u domovima Parlamenta Federacije Bosne i Hercegovine ("Službene novine Federacije BiH", broj 35/12), Parlament Federacije Bosne i Hercegovine, na sjednici Predstavničkog doma, održanoj 28. i 29.5.2024. godine, i na sjednici Doma naroda, održanoj 12.06.2024. godine, donio je

ODLUKU
O IZBORU ČLANOVA U ZAJEDNIČKU KOMISIJU ZA USAGLAŠAVANJE RAZLIČITO
USVOJENIH TEKSTOVA ZAKONA U DOMOVIMA PARLAMENTA FEDERACIJE BOSNE I
HERCEGOVINE

I

U Zajedničku komisiju za usaglašavanje različito usvojenih tekstova zakona u domovima Parlamenta Federacije Bosne i Hercegovine biraju se:

Iz Predstavničkog doma Parlamenta Federacije Bosne i Hercegovine:

1. Dario Knezović
2. Damir Nikšić
3. Dennis Gratz
4. Stipe Tokić
5. Alma Beganović

Iz Doma naroda Parlamenta Federacije Bosne i Hercegovine:

1. Haris Zahiragić
2. Ivana Zrimšek Šaravanja
3. Dragan Konta
4. Vildana Bešlija
5. Žarko Vujović.

II

Za predsjednicu Zajedničke komisije je izabrana je Vildana Bešlija iz Doma naroda, a za zamjenika predsjednika Dario Knezović iz Predstavničkog doma.

Predsjednik i zamjenik predsjednika Zajedničke komisije se na položaju predsjednika rotiraju svakih šest mjeseci.

III

Ova Odluka bit će objavljena u "Službenim novinama Federacije BiH".

PFBiH, broj _____
Juni 2024. godine
Sarajevo

PREDSJEDAVALA
PREDSTAVNIČKOG DOMA
PARLAMENTA FEDERACIJE BiH

Dragan Mioković

PREDSJEDAVALA
DOMA NARODA
PARLAMENTA FEDERACIJE BiH

Tomislav Martinović

Na osnovu člana 2. Zakona o reviziji institucija u Federaciji Bosne i Hercegovine ("Službene novine Federacije BiH", broj 22/06), člana 54. Poslovnika Predstavničkog doma Parlamenta Federacije Bosne i Hercegovine, člana 52. Poslovnika o radu Doma naroda Parlamenta Federacije Bosne i Hercegovine i Odluke o formiranju Parlamentarne komisije odgovorne za reviziju ("Službene novine Federacije BiH", br. 53/07 i 34/10), Parlament Federacije Bosne i Hercegovine, na sjednici Predstavničkog doma, održanoj 28. i 29.5.2024. godine, i na sjednici Doma naroda, održanoj 12.06.2024.godine, donio je

**ODLUKU
O IZBORU ČLANOVA U PARLAMENTARNU KOMISIJU ODGOVORNU ZA REVIZIJU**

I

U Parlamentarnu komisiju odgovornu za reviziju biraju se:
Iz Predstavničkog doma Parlamenta Federacije Bosne i Hercegovine:

1. Elvir Karajbić
2. Aner Žuljević
3. Mirjana Marinković-Lepić
4. Mirsad Zaimović
5. Petar Galić
6. Marijan Marjanović
7. Admir Čavalić

Iz Doma naroda Parlamenta Federacije Bosne i Hercegovine:

1. Dževad Hadžić
2. Slađan Ilić
3. Tomislav Martinović
4. Tomislav Mandić
5. Vesna Saradžić
6. Muamer Zukić
7. Damir Džeba.

II

Za predsjednika Parlamentarne komisije odgovorne za reviziju je izabran Damir Džeba iz Doma naroda, a za zamjenika predsjednika Elvir Karajbić iz Predstavničkog doma. Predsjednik i zamjenik predsjednika će se na ovoj funkciji rotirati svakih šest mjeseci.

III

Ova odluka bit će objavljena u "Službenim novinama Federacije BiH".

PFBiH, broj _____
Juni 2024. godine
Sarajevo

PREDSJEDAVALAČI
PREDSTAVNIČKOG DOMA
PARLAMENTA FEDERACIJE BiH

Dragan Mioković

PREDSJEDAVALAČI
DOMA NARODA
PARLAMENTA FEDERACIJE BiH

Tomislav Martinović

Na osnovu člana 22. stava (2) i člana 29. Zakona o Agenciji za bankarstvo Federacije Bosne i Hercegovine ("Službene novine Federacije BiH, broj 75/17), Parlament Federacije bosne i Hercegovine, na sjednici Predstavničkog doma održanoj 28. i 29.5.2024. godine i na sjednici Doma naroda održanoj 12.6.2024. godine, donio je

**ODLUKU
O IMENOVANJU ZAMJENIKA DIREKTORA AGENCIJE ZA BANKARSTVO
FEDERACIJE BOSNE I HERCEGOVINE**

I

Jelka Milićević imenuje se za zamjenika direktora Agencije za bankarstvo Federacije Bosne i Hercegovine, na period do isteka mandata zamjenika direktora koji je razriješen, a koji je bio imenovan Odlukom Parlamenta Federacije Bosne i Hercegovine o imenovanju zamjenika direktora Agencije za bankarstvo Federacije Bosne i Hercegovine ("Službene novine Federacije BiH, broj 62/22).

II

Ova odluka stupa na snagu narednog dana od dana objave u "Službenim novinama Federacije BiH".

PFBiH, broj _____
Juni 2024. godine
Sarajevo

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Dragan Mioković

PREDSJEDAVAJUĆI
DOMA NARODA
PARLAMENTA FEDERACIJE BiH

Tomislav Martinović

Na osnovu člana 26. Zakona o energiji i regulaciji energetske djelatnosti u Federaciji Bosne i Hercegovine ("Službene novine Federacije BiH", broj 60/23), člana 152. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24) i člana 143. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03, 21/09 i 24/20), Parlament Federacije Bosne i Hercegovine, na sjednici Predstavničkog doma održanoj 28. i 29.5.2024. godine i na sjednici Doma naroda održanoj 12.6.2024. godine, donio je

**ODLUKU
O IMENOVANJU ČLANOVA REGULATORNE KOMISIJE ZA ENERGIJU U
FEDERACIJI BOSNE I HERCEGOVINE**

I

Za članove Regulatorne komisije za energiju u Federaciji Bosne i Hercegovine, na mandatni period od pet godina, imenuju se:

1. Samir Hadžihuseinović, iz reda bošnjačkog naroda
2. Sanela Pokrajčić, iz reda hrvatskog naroda i
3. Vesna Marić, iz reda srpskog naroda.

II

Ova odluka bit će objavljena u "Službenim novinama Federacije BiH".

PFBiH, broj _____
Juni 2024. godine
Sarajevo

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Dragan Mioković

PREDSJEDAVAJUĆI
DOMA NARODA
PARLAMENTA FEDERACIJE BiH

Tomislav Martinović

Na osnovu člana 152. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24) i člana 143. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03, 21/09 i 24/20), Parlament Federacije Bosne i Hercegovine, na sjednici Predstavničkog doma održanoj 28. i 29.5.2024. godine i na sjednici Doma naroda održanoj 12.6.2024. godine, donio je

**ODLUKU O IZMJENAMA
ODLUKE O IMENOVANJU ČLANOVA VIJEĆA NACIONALNIH MANJINA
FEDERACIJE BOSNE I HERCEGOVINE**

I

Ovom odlukom mijenja se Odluka o imenovanju članova vijeća nacionalnih manjina Federacije Bosne i Hercegovine ("Službene novine Federacije BiH", broj 25/22).

II

U tački II stav 1. U tački 10. riječi: "Violeta Džolan-Rumunka" zamjenjuju se riječima "Ivan Džolan- Rumun".

U tački 16. riječi: "Dejan Piotrovski- Poljak" zamjenjuju se riječima: "Karolina Atagić-Poljakinja".

U tački 19. riječi: "Velibor Kuvač- Nijemac" zamjenjuju se riječima: "Željka Stantić- Njemica".

U tački 21. riječi: "Davor Ebner- Austrijanac" zamjenjuju se riječima: "Sanja Levicki- Austrijanka".

III

Ova odluka stupa na snagu danom donošenja i bit će objavljena u "Službenim novinama Federacije BiH".

PFBiH, broj _____
Juni 2024. godine
Sarajevo

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Dragan Mioković

PREDSJEDAVAJUĆI
DOMA NARODA
PARLAMENTA FEDERACIJE BiH

Tomislav Martinović